

Ngā Panonitanga o NCEA mō 2021

Kua panonihia te NCEA, Te Hiranga o Aotearoa me te Whakauru Whare Wānanga (UE) nā te whakapātanga o te KOWHEORI-19 ki ngā akoranga me ngā aromatawai. He āwhina ēnei panonitanga mō ngā ākongā hei whakatutuki i te tohu kua whāia nei e rātou.

Ka whakamanahia ēnei panonitanga ki te noho tonu tō kura ki te Pae Mataara 3, 4 rānei mō ngā rā kura 20 neke atu.

He aha te hua mō ngā ākongā?

Ko te nuinga o ngā whiwhinga he āheitanga hoki mōhou.

- Mō ia 5 whiwhinga ka tutuki i a koe i ngā aromatawai ā-roto, ā-waho rānei, e taea ana hoki e koe te whiwhi i tētahi (1) whiwhinga hei tāpiri atu. Ko ēnei whiwhinga e kīia nei ko Ngā Whiwhinga o ngā Akoranga o mua (LRCs).
- Tae noa ki te 10 o ngā whiwhinga LRCs ka tāpirihia atu ki te 80 kia tutuki ai te NCEA Taumata 1.
- Tae noa ki te 8 o ngā whiwhinga LRCs ka tāpirihia atu ana ki te 60 kia tutuki ai te Taumata 2 me te Taumata 3.

Ka tutuki tonu ai ngā taunakitanga.

- Kia tutuki i a koe te **taunakitanga tiwhikete** me tutuki i a koe ngā whiwhinga 46 kei te taumata Kaiaka, kei te taumata Kairangi rānei, i te nuinga o te wā he 50 kē ngā whiwhinga.
- Kia tutuki i a koe te **taunakitanga kaupapa ako** me tutuki tonu i a koe ngā whiwhinga 12 kei ngā taumata Paetae, Kaiaka, Kairangi rānei. I te nuinga o te wā he 14 kē ngā whiwhinga. Heoi, me tutuki tonu i a koe ngā whiwhinga 3 mai i ngā aromatawai ā-waho, me ngā whiwhinga 3 mai i ngā aromatawai ā-roto.
- Ka kore ngā whiwhinga LRCs e taunaki ana i te Kaiaka me te Kairangi.

Kua panoni hoki te Whakauru Whare Wānanga (UE)

- I tēnei tau 2021, kua panoni te Whakauru Whare Wānanga mai i ngā whiwhinga 14 heke iho ki ngā whiwhinga 12 nō roto tonu i [ngā kaupapa ako, kua whakamanahia mō te Whakauru Whare Wānanga](#). Me tutuki tonu i a koe te NCEA Taumata 3 me [ngā paerewa o te reo matatini](#).

He nui ake te wā ki te ako, ki te rangahau

- Kua nekehia ngā rā aukati mō te tuku kohinga whaiaro me ngā whakamātautau NCEA tae atu ki Te Hiranga. Kua pēnei, kia roa ake te wā ki ngā ākongā ki te ako, ki te whakariterite i a rātou anō.

He aha aku mahi?

Me mahi tonu, me ngana tonu kia tutuki i a koe te whānuitanga o ngā paerewa me ngā whiwhinga. Me kī, ko te nuinga o ngā whiwhinga he āheitanga hoki mōhou. Mā ōu kaiako anō koe e aroturuki, e āwhina.

Kārekau he mahi anō māhau kia riro i a koe ngā whiwhinga LRCs. Mā NZQA ōu whiwhinga LRCs e tātai i mua i te whakaputanga o ngā whakatau.

Me mātua mōhio koe ki ngā rā aukati o te tuku kohinga whaiaro, ā, tirohia hoki te [wātaka whakamātautau hou](#).

Whakapā atu ki te kaiako matua i te kura, **[ki te kaiwhakahaere NCEA rānei]** mō te roanga atu o ngā kōrero. Waea atu rānei ki a NZQA, 0800 697 296.